



Broj: 01-02-1-2610/16
Sarajevo, 11. 10. 2016.

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11-10-2016			
Organizaciona jedinica	Klasifikaciona oznaka	Redni broj	Broj priloga

Predmet: Prijedlog zakona o izmjeni Zakona o plaćama i naknadama u institucijama Bosne i Hercegovine, predlagatelj: zastupnik Šemsudin Mehmedović, *dostavlja se*

Sukladno Odluci Kolegija Zastupničkog doma Parlamentarne skupštine Bosne i Hercegovine s 32. sjednice, održane 14. lipnja 2016., u privitku Vam dostavljam Prijedlog zakona o izmjeni Zakona o plaćama i naknadama u institucijama Bosne i Hercegovine, čiji je predlagatelj zastupnik Šemsudin Mehmedović, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,



Dostaviti:

- naslovu
- a/a

Na osnovu člana IV.4 a) Ustava Bosne i Hercegovine, Parlamentarna skupština Bosne i Hercegovine, na ____ sjednici Predstavničkog doma, održanoj ____2016. godine, i na ____ sjednici Doma naroda, održanoj ____2016. godine, usvojila je

**ZAKON
O IZMJENI ZAKONA O PLAĆAMA I NAKNADAMA
U INSTITUCIJAMA BOSNE I HERCEGOVINE**

Član 1.

U Zakonu o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15 i 16/16), član 18. (Platni razredi i koeficijenti za policijske službenike) mijenja se i glasi:

„Član 18.

(Platni razredi i koeficijenti za policijske službenike)

Platni razred	Čin	Koeficijent
1.	Policajac	1,40
2.	Stariji policajac	1,55
3.	Narednik	1,70
4.	Stariji narednik	1,90
5.	Mlađi inspektor	2,10
6.	Inspektor	2,35
7.	Viši inspektor	2,73
8.	Samostalni inspektor	3,25
9.	Glavni inspektor	4,20“

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O B R A Z L O Ž E N J E

I. USTAVNI OSNOV ZA USVAJANJE ZAKONA

Ustavni osnov za usvajanje Zakona o izmjeni Zakona o plaćama i naknadama u institucijama Bosne i Hercegovine sadržan je u odredbama člana IV.4 a) Ustava BiH, prema kojem je Parlamentarna skupština BiH nadležna za „donošenje zakona koji su potrebni za provođenje odluka Predsjedništva ili za vršenje funkcija Skupštine po ovom Ustavu“.

II. RAZLOZI ZA DONOŠENJE ZAKONA

Policijski službenici zaposleni u agencijama za provođenje zakona su, prilikom donošenja Zakona o plaćama i naknadama zaposlenih u institucijama BiH oštećeni, s obzirom na to da su im utvrđeni najniži koeficijenti bez platnih razreda za poslove sa istom stručnom spremom u odnosu na zaposlenike i državne službenike.

S tim u vezi potrebno je pravednije utvrditi koeficijente za policijske službenike od čina „policajac“ do čina „glavni inspektor“, odnosno u skladu s principima na kojima se zasniva Zakon o plaćama i naknadama zaposlenih u institucijama BiH izjednačiti koeficijente policijskih službenika s koeficijentima zaposlenika i državnih službenika.

Prema Zakonu o plaćama i naknadama u institucijama BiH, zaposlenici sa srednjom stručnom spremom imaju koeficijent od 1,40 do 1,60, a policijski službenik 1,29. Imajući u vidu da su policijski poslovi složeni, stresni i opasni, Savez sindikata policijskih organa u BiH predlaže izmjenju člana 18. Zakona o plaćama i naknadama u institucijama BiH, na način da se za policijske službenike od čina „policajac“ do čina „stariji narednik“ utvrde koeficijenti kako slijedi:

Č I N			
Policajac	Stariji policajac	Narednik	Stariji narednik
1,40	1,55	1,70	1,90

Državni službenici zaposleni u institucijama BiH, prema Zakonu o plaćama i naknadama u institucijama BiH, imaju početni koeficijent 2,10 (stručni saradnik) te utvrđene platne razrede prema kojima predmetni koeficijent može biti povećan do 2,37, dok u isto vrijeme policijski službenici sa istom vrstom stručne spreme imaju polazni koeficijent 1,95 (mlađi inspektor) bez utvrđenih platnih razreda. Ovakvo rješenje nije u skladu s „principom“ utvrđenim u članu 3. tačka a) Zakona o plaćama i naknadama u institucijama BiH kojim se, između ostalog, definira da će „zaposleni u institucijama koji obavljaju iste ili slične poslove primati istu osnovnu plaću“.

S tim u vezi, izmjenama predmetnog člana Zakona bili bi izjednačeni koeficijenti za obračun plaće za državne i policijske službenike, odnosno koeficijenti za obračun plaće za policijske službenike od čina „mlađi inspektor“ do čina „glavni inspektor“ bili bi izjednačeni s koeficijentima državnih službenika od radnog mjesta „stručni saradnik“ do radnog mjesta „rukovodeći državni službenik“.

Pregled dosadašnjih koeficijenata državnih i policijskih službenika s prijedlogom izjednačenih koeficijenata dat je u sljedećoj tabeli:

Državni službenici	Koeficijent (član 9.)	Policijski službenici	Koeficijent (član 18.)	Predloženi izjednačeni koeficijenti
Stručni saradnik	2,10	Mlađi inspektor	1,95	2,10
Viši str. Saradnik	2,35	Inspektor	2,09	2,35
Stručni savjetnik	2,73	Viši inspektor	2,47	2,73
Šef odjela	3,25	Samostalni inspektor	2,96	3,25
Rukov. državni službenik	4,20	Glavni inspektor	3,55	4,20

Usvajanjem predloženih izmjena Zakona o plaćama i naknadama zaposlenih u institucijama Bosne i Hercegovine bile bi otklonjene ranije utvrđene nepravilnosti, a u manjoj mjeri bi se poboljšao i status policijskih službenika koji je i dalje na nižem nivou u odnosu na entitetski i kantonalni nivo policijskih struktura, a time bi se doprinijelo jačanju morala i angažiranosti u svim segmentima rada policijskih agencija u BiH.

III. PRINCIPI NA KOJIMA JE PRIJEDLOG ZAKONA ZASNOVAN

Prijedlog zakona zasnovan je na principima pravičnosti, transparentnosti, fiskalne održivosti, društvene odgovornosti i solidarnosti, te principima utvrđenim Zakonom o plaćama i naknadama zaposlenih u institucijama Bosne i Hercegovine, od kojih se jednim, između ostalog, definira da će „zaposleni u institucijama koji obavljaju iste ili slične poslove primati istu osnovnu plaću“.

IV. PROCJENA FINANSIJSKIH SREDSTAVA NEOPHODNIH ZA PROVOĐENJE ZAKONA

Za provođenje ovog zakona potrebna su finansijska sredstva u neto iznosu od oko 5.000.000 KM, bez uračunatih poreza i doprinosa, koja bi se planirala prilikom izrade Budžeta institucija i međunarodnih obaveza BiH za 2017. godinu ili bi se osigurala preraspodjelom sredstava unutar budžeta institucija Bosne i Hercegovine.

V. DRUGE OKOLNOSTI

Prijedlogom zakonom uvažava se ekonomska i socijalna realnost u Bosni i Hercegovini, primjenjuje se odgovoran pristup prema budžetskim sredstvima i poslovima koje obavljaju policijski službenici na nivou države, sve s ciljem jačanja sigurnosti građana.

**Odredba Zakona o plaćama i naknadama u institucijama BiH
koja se mijenja**

Član 18.
(Platni razredi i koeficijenti za policijske službenike)

Platni razred	Čin	Koeficijent
1	Policajac	1,29
2	Stariji policajac	1,34
3	Narednik	1,39
4	Stariji narednik	1,52
5	Mlađi inspektor	1,95
6	Inspektor	2,09
7	Viši inspektor	2,47
8	Samostalni inspektor	2,96
9	Glavni inspektor	3,55